

Կազմված է «09» Հունվար 2024թ.
Բաղկացած է 6 թերթից
Տպագրված է ընդամենը 2 օրինակ
ՕՐԻՆԱԿ 1

ՀԱՍՏԱՏՎԱԾ Է

«ՅՈՒՆԻԹ» ԱՐԲԻՏՐԱԺԱՅԻՆ ԵՎ
ՀԱՇՏԱՐԱՐՈՒԹՅԱՆ ԿԵՆՏՐՈՆ»
սահմանափակ պատասխանատվությամբ
ընկերության հիմնադրի
«09» Հունվար 2024թ. կայացրած
թիվ 1 որոշմամբ

Նախագահ՝ [Ստորագրություն] Հայկուհի Սեդրակյան
«09» Հունվար 2024թ.

ԳՐԱՆՑՎԱԾ Է

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ
ԱՇԽԱՏԱԿԱԶՄԻ ԻՐԱՎԱԲԱՆԱԿԱՆ ԱՆՁԱՆՑ
ՊԵՏԱԿԱՆ ՌԵԳԻՍՏՐԻ ԳՈՐԾԱԿԱԼՈՒԹՅԱՆ
ԿՈՂՄԻՑ

«11» 01 2024
գրանցման թիվ 281.110.1362961
ՀՎՀՀ 01346267

աշխատակից [Ստորագրություն]



«11» 01 2024

«ՅՈՒՆԻԹ»
ԱՐԲԻՏՐԱԺԱՅԻՆ ԵՎ ՀԱՇՏԱՐԱՐՈՒԹՅԱՆ ԿԵՆՏՐՈՆ
ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ
Կ Ա Ն Ո Ն Ա Դ Դ ՈՒ Թ Յ ՈՒ Ն

2024թ.

1. ԸՆԴՀԱՆՈՒՐ ԴՐՈՒՅԹՆԵՐ

1.1. «ՅՈՒՆԻԹԻ» ԱՐԲԻՏՐԱԺԱՅԻՆ ԵՎ ՀԱՇՏԱՐԱՐՈՒԹՅԱՆ ԿԵՆՏՐՈՆ» սահմանափակ պատասխանատվությամբ ընկերությունը (հետագայում՝ Ընկերություն) համարվում է շահույթ ստանալու նպատակով հիմնադրված առևտրային կազմակերպություն հանդիսացող իրավաբանական անձ, որի կանոնադրական կապիտալը բաժանված է սույն կանոնադրությամբ սահմանված չափերով բաժնեմասերի:

1.2. Ընկերությունն իր գործունեության ընթացքում ղեկավարվում է Հայաստանի Հանրապետության Քաղաքացիական Օրենսդրությամբ, այլ իրավական ակտերով և սույն կանոնադրությամբ:

1.3. Ընկերությունը մշտապես գործող արբիտրաժային և հաշտարարության կենտրոն է, որի նպատակն է վեճերի լուծմանը և վեճը հաշտությամբ ավարտելուն նպաստելը, մշտապես գործող արբիտրաժային տրիբունալի /դատարան/ միջոցով ներհանրապետական և միջազգային արբիտրաժային վարույթների իրականացումը, հաշտարարության՝ որպես հաշտարարական հաստատություն հանդես գալով իրականացումը, բանակցությունների վարումը և նշված գործառույթների հետ կապված այլ ծառայությունների մատուցումը, վեճերի լուծման այլընտրանքային մեխանիզմների վերաբերյալ կրթական ծրարգրերի իրականացումը և նշված գործունեության հետ կապված այլ գործառույթների իրականացումը:

1.4. Ընկերությունը իր գործունեությունն իրականացնում է «Առևտրային արբիտրաժի մասին» Հայաստանի Հանրապետության օրենքի (այսուհետ՝ Օրենք), «Հաշտարարության մասին» ՀՀ օրենքի, Հայաստանի Հանրապետության օրենսդրության, Հայաստանի Հանրապետության միջազգային պայմանագրերի, սույն կանոնադրության հիման վրա:

1.5. Ընկերությունը ունի Հայաստանի Հանրապետության կլոր կնիք, ձևաթղթեր, խորհրդանիշ և անհատականացման այլ միջոցներ:

1.6. Ընկերության ֆիրմային անվանումն է՝

1.6.1. հայերեն լրիվ՝ «ՅՈՒՆԻԹԻ» ԱՐԲԻՏՐԱԺԱՅԻՆ ԵՎ ՀԱՇՏԱՐԱՐՈՒԹՅԱՆ ԿԵՆՏՐՈՆ» սահմանափակ պատասխանատվությամբ ընկերություն

1.6.2. կրճատ՝ «ՅՈՒՆԻԹԻ» ԱՀԿ» ՍՊԸ

1.6.3. ռուսերեն լրիվ՝ “ЦЕНТР АРБИТРАЖА И МЕДИАЦИИ “ЮНИТИ” ” Общество с Ограниченной Ответственностью

1.6.4. կրճատ՝ “ЦАМ_“ЮНИТИ” ” ООО

1.6.5. անգլերեն լրիվ՝ “UNITY” ARBITRATION AND MEDIATION CENTER” LIMITED LIABILITY COMPANY

1.6.6. կրճատ՝ ““UNITY” AMC” LLC

1.7. Ընկերության գտնվելու վայրը և իրավաբանական (փոստային) հասցեն է՝

ՀՀ, ք. Երևան, Արեւյան 6/4, 411ա:

2. ԸՆԿԵՐՈՒԹՅԱՆ ԳՈՐԾՈՒՆԵՈՒԹՅԱՆ ԵՐԱՇԽԻՔՆԵՐԻ ԱՊԱՀՈՎՈՒՄԸ

2.1. Ընկերությունը ՀՀ օրենքներով և սույն կանոնադրությամբ ու իր կանոնակարգով սահմանված խնդիրների լուծման համար տիրապետում, օգտագործում և տնօրինում է իրեն ամրակցված, կամ պատկանող գույքը:

2.2. Օրենսդրությամբ և սույն կանոնադրությամբ սահմանված կարգով Ընկերության գործունեությունից առաջացած դրամական միջոցները առաջնահերթության կարգով ուղղվում են արբիտրների և հաշտարարների հոնորարների, վարչական ծախսերի և կանոնակարգով սահմանված՝ Ընկերության այլ ծախսերի վճարմանը: Մնացած գումարը սահմանված կարգով ուղղվում է Ընկերության կանոնադրական նպատակների իրականացմանը:

3. ԸՆԿԵՐՈՒԹՅԱՆ ԿԱՌԱՎԱՐՈՒՄԸ

3.1. Ընկերության ընդհանուր կառավարումն իրականացնում են Ընկերության մասնակիցների ընդհանուր ժողովը (այսուհետ նաև՝ Ժողով) և Ընկերության գործադիր մարմինը՝ Նախագահը:

3.2. Ժողովի իրավասության հարցերն են՝

3.3. Ընկերության կանոնադրության հաստատումը, կանոնադրությունը փոփոխելը, ինչպես նաև կանոնադրությունը նոր խմբագրությամբ հաստատելը,

3.4. Ընկերության Արբիտրաժային և Հաշտարարական հաստատությունների կանոնակարգերի հաստատումը, կանոնակարգերը փոփոխելը, ինչպես նաև կանոնակարգերը նոր խմբագրությամբ հաստատելը

3.5. Ընկերության նախագահի նշանակումը,

3.6. Ընկերության նախագահի տեղակալի և Արբիտրաժային և Հաշտարարական հաստատությունների քարտուղարների նշանակումը Ընկերության նախագահի ներկայացմամբ,

3.7. Արբիտրաժային և հաշտարարական ծախսերի չափը, արբիտրների և հաշտարարների հոնորարների չափը հաստատելը,

3.8. Ընկերության գործունեության դադարեցումը,

3.9. Ընկերության Արբիտրաժային և հաշտարարական հաստատություններից յուրաքանչյուրի գործունեության դադարեցումը,

3.10. ՀՀ օրենսդրությամբ և սույն կանոնադրությամբ իրեն վերապահված այլ լիազորություններ:

3.11. Ընկերության Ժողովները կարող են լինել հերթական և արտահերթ: Հերթական ընդհանուր ժողովն անցկացվում է ոչ պակաս, քան տարին մեկ անգամ: Հերթական Ժողովը հրավիրում է Նախագահը:

3.12. Հերթական Ժողովը պետք է անցկացվի ֆինանսական տարվա ավարտից ոչ շուտ, քան 2 ամիս և ոչ ուշ, քան 6 ամիս անց:

3.13. Արտահերթ Ժողով կարող է հրավիրվել ՀՀ օրենսդրությամբ սահմանված կարգով:

3.14. Ժողովն իրավասու է, եթե դրան մասնակցում է Ընկերության մասնակիցների կեսից ավելին, Ժողովի որոշումներն ընդունվում են Ժողովին մասնակցողների ձայների պարզ մեծամասնությամբ:

3.15. Ընկերության ընթացիկ գործունեությունը ղեկավարում է Ընկերության նախագահը, բացառությամբ այն հարցերի, որոնք Օրենքով և սույն կանոնադրությամբ վերապահված են Ժողովի իրավասությանը: Ընկերության նախագահի լիազորությունները սահմանվում են սույն կանոնադրությամբ և ՀՀ օրենսդրությամբ:

3.16. Ընկերության նախագահի լիազորությունները կարող են վաղաժամկետ դադարեցվել Ժողովի կողմից:

- 3.17. Ընկերության նախագահի իրավասության հարցերն են՝
- 3.18. Ընկերությանը, դրա Արբիտրաժային և Հաշտարարական հաստատություններին ամրակցվող գույքի կազմը և չափը որոշելը:
- 3.19. կազմակերպում է Ընկերության ընթացիկ գործունեությունը.
- 3.20. առանց լիազորագրի ներկայացնում է Ընկերությունը Հայաստանի Հանրապետությունում և արտասահմանում, տալիս է լիազորագրեր Ընկերության անունից հանդես գալու համար.
- 3.21. կազմակերպում է Ընկերության դատավարության դատական պրակտիկայի ուսումնասիրումը և ամփոփումը, Ընկերության քննված գործերի վիճակագրության վարումը.
- 3.22. ապահովում է Ընկերության բնականոն գործունեության կազմակերպումը.
- 3.23. Ընկերության անունից կնքում է գործարքներ, պայմանագրեր, համաձայնագրեր,
- 3.24. Ընկերության անունից իրականացնում է կանոնակարգով Ընկերության վերապահված գործառույթները,
- 3.25. կատարում է աշխատանքի բաշխում Ընկերության աշխատակիցների, արբիտրների և հաշտարարների միջև,
- 3.26. հաստատում է Ընկերության գործունեությունը կանոնակարգող ներքին փաստաթղթերը,
- 3.27. հաստատում է Ընկերության վարչակազմակերպական կառուցվածքը և հաստիքացուցակը, ինչպես նաև Ընկերության աշխատակիցների վարձատրության և պարգևատրումների չափը,
- 3.28. Ընկերության քարտուղարի կողմից որոշակի գործով կամ որոշակի ժամանակահատվածում իր պարտականությունների կատարման անհնարինության դեպքում նշանակում է Ընկերության քարտուղարի պաշտոնակատար,
- 3.29. հաստատում է Ընկերության արբիտրների և հաշտարարների կազմը՝ անվանացուցակը,
- 3.30. իրականացնում է Օրենքով, սույն կանոնադրությամբ և Ընկերության կանոնակարգից բխող այլ լիազորություններ:
- 3.31. Ընկերության նախագահը կարող է ունենալ տեղակալ:
- 3.32. Ընկերության նախագահի տեղակալի գործունեության շրջանակները սահմանվում են Ընկերության նախագահի կողմից: Ընկերության նախագահի բացակայության դեպքում նրա լիազորություններն իրականացնում է Ընկերության նախագահի տեղակալը՝ Ընկերության նախագահի նշանակմամբ:
- 3.33. Ընկերության նախագահն օրենքով սահմանված կարգով գույքային պատասխանատվություն է կրում իր հակաօրինական գործունեության արդյունքում Ընկերության պատճառված գույքային վնասի համար: Ընկերության նախագահի լիազորությունների դադարեցումը չի կարող հիմք հանդիսանալ պատճառված նյութական վնասը հատուցելու պարտավորությունները չկատարելու համար:

4. ԸՆԿԵՐՈՒԹՅԱՆ ԿԱՆՈՆԱԴՐԱԿԱՆ ԿԱՊԻՏԱԼ

- 4.1. Ընկերության կանոնադրական կապիտալը կազմում է 10.000 (տասը հազար) ՀՀ դրամ, որը բաժանված է մեկ բաժնեմասի, մեկ բաժնեմասի անվանական արժեքն է 10.000 ՀՀ դրամ:
- 4.2. Կանոնադրական կապիտալը սահմանում է պարտատերերի շահերը երաշխավորող՝ Ընկերության գույքի նվազագույն չափը: Ընկերության մեկ բաժնեմասը

տեղաբաշխված է, լրիվ վճարված և պատկանում է սույն կանոնադրության հավելվածում նշված մասնակցին (մասնակիցներին):

5. ԸՆԿԵՐՈՒԹՅԱՆ ՄԱՍՆԱԿԻՑՆԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

5.1. Անձը համարվում է ընկերության մասնակից իրավաբանական անձանց պետական գրանցումն իրականացնող մարմնի կողմից ընկերության մասնակիցների գրանցամատյանում նրա՝ որպես այդպիսին գրանցվելու պահից:

5.2. Ընկերության մասնակիցներն օժտված են ՀՀ օերնսդրությամբ սահմանափակ պատասխանատվությամբ ընկերության մասնակցի համար նախատեսված բոլոր իրավունքներով և կրում են ՀՀ օերնսդրությամբ սահմանափակ պատասխանատվությամբ ընկերության մասնակցի համար նախատեսված բոլոր պարտականությունները:

5.3. Ընկերության մասնակիցներն ունեն նաև օրենքով, ընկերության կանոնադրությամբ կամ ընկերության մասնակիցների միաձայն որոշմամբ սահմանված այլ իրավունքներ:

5.4. Ընկերության կանոնադրական կապիտալում մասնակցի ունեցած բաժնեմասի օտարումը պետք է կատարվի «Սահմանափակ պատասխանատվությամբ ընկերությունների մասին» ՀՀ օրենքի 14-րդ հոդվածով սահմանված կարգով:

6. ԸՆԿԵՐՈՒԹՅԱՆ ԳՈՐԾՈՒՆԵՈՒԹՅԱՆ ԴԱԴԱՐԵՑՈՒՄԸ

6.1. Ընկերության գործունեությունը դարարում է օրենսդրությամբ սահմանված կարգով, ինչպես նաև՝ համաձայն սույն կանոնադրության:

6.2. Ընկերության գործունեությունը համարվում է դադարած՝ այդ մասին Ժողովի որոշումն ուժի մեջ մտնելու պահից: